



17. april 2014.

SEDMIČNI PREGLED AKTIVNOSTI NA MKSJ-u (759)

I. PREGLED POSTUPAKA PRED SUDOM

Predmet MLADIĆ

Pretno vijeće I – sudije Orić (predsjedavajući), Moloto i Flügge

Odluka po pravilu 98bis

Dana 15. aprila 2014., Pretno vijeće je donijelo usmenu odluku kojom je u potpunosti odbacilo Mladićeve zahtjeve za donošenje oslobađajuće presude prema pravilu 98bis.

Početak izvođenja dokaza odbrane zakazan je za 13. maj 2014. Dan ranije će se održati konferencija prije izvođenja dokaza odbrane.

II. PREGLED ODABRANIH SUDSKIH SPISA

Predmet STANIŠIĆ i ŽUPLJANIN

*Žalbeno vijeće – sudije Agius (predsjedavajući), Sekule, Robinson, Daqun i Ramarosan
Sudija Meron – predsjednik MKSJ*

ODLUKA PO DRUGOM ZAHTJEVU ŽUPLJANINA ZA IZMJENU NAJAVE ŽALBE I DOPUNU ŽALBENOG PODNESKA

Dana 14. aprila 2014., Žalbeno vijeće je odobrilo Župljaninov zahtjev da izmijeni svoju najavu žalbe i dopuni žalbeni podnesak, tako što će uključiti dodatni žalbeni podnesak koji se zasniva na pismu sudije Harhoffa. Podnosilac žalbe mora podnijeti izmijenjenu najavu žalbe do 23. aprila i dodatak žalbenom podnesku do 5. maja ove godine.

ODLUKA PO ZAHTJEVU MIĆE STANIŠIĆA DA SE ODOBRI IZMJENA NAJAVE ŽALBE

Dana 14. aprila 2014., Žalbeno vijeće je odobrilo zahtjev Miće Stanišića da izmijeni svoju najavu žalbe tako što će, između ostalog, uključiti dodatni žalbeni podnesak kao rezultat objavljivanja pisma sudije Harhoffa. Stanišić mora podnijeti izmijenjenu najavu žalbe do 23. aprila i dodatak žalbenom podnesku do 5. maja 2014.

ODLUKA PO ZAHTJEVU MIĆE STANIŠIĆA ZA PRIHVATANJE DODATNIH DOKAZA NA OSNOVU PRAVILA 115

Dana 14. aprila 2014., Vijeće je odobrilo Stanišićev zahtjev za iznošenje dodatnih dokaza, na osnovu pravila 115, odnosno odlomaka pisma sudije Harhoffa. Tužilaštvo mora dostaviti svoju eventualnu repliku do 1. maja.

NALOG KOJIM SE ZAMJENJUJE SUDIJA U PREDMETU PRED ŽALBENIM VIJEĆEM

Dana 15. aprila 2014., predsjednik Meron je odredio da sudija Sekule zamijeni njega, sudiju Merona, u Žalbenom vijeću koje postupa u predmetu *Stanišić i Župljanin*.

NAJNOVIJA SAOPŠTENJA ZA JAVNOST

Datum	Broj	Naslov	E	F	B/C/S
15.04.2014.	1600	MEĐUNARODNI SUD ODBACIO ZAHTJEV RATKA MLADIĆA ZA OSLOBAĐANJE OD KRIVICE http://www.icty.org/sid/11483	E	F	B/C/S